

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Gudarien etorbidea, z/g 20140 Andoain

Erasmus ikasleok bozkatzeko eskubiderik gabe

Kepa Izagirre, Eider Imaz eta Maite Jaunarena • ABERDEEN (ESKOZIA)

Aurten Erasmus programaren bidez Europar barrena, Aberdeen-en zehazki (Eskozia), ikasten ari garen hiru ikasle gara. Maiatzaren 13ko hauteskundeetan Euskal Herrikan kanpo egongo garenez, gure bozkatzeko eskubidea posta bidez egikaritu nahi genuen. Horretarako beharrezkoak ziren betekizunak zeintzu ziren jakiteko, Eusko Jaurlaritzak duen web orrialde ofizialera (www.euskadi.net) jo genuen. Hauxe da hitzez hitz bertan jartzen duena:

«8.- Atzerrian bizi diren euskal biztanleek botoa posta bidez emateari dago-kionez:

8.1.- Atzerrian bizi diren biztanleei botoa posta bidez emateko dokumentazioa ematea (apirilaren 18tik 23ra).

8.2.- Lurralde Historikoko Hauteskunde Batzordeari atzerrian bizi diren biztanleen posta bidezko botoa posta ziurtatu bidez bidaltzea (maiatzaren 12aren ondoren, ez). Edo, hala badagokio, botoa Kontsulatuaren Bulegoan bertan ematea (maiatzaren 6aren ondoren, ez).

8.3.- Atzerrian bizi diren biztanleen posta bidezko botoaren zenbaketa (maiatzaren 18a).»

Baina gure boto eskubidea egikaritu nahi izan dugunean, hori ezinezkoa dela esan digute, CERA-n (Censo Electoral de Residentes Ausentes) inskribaturik ez gaudelako. Eta hona hemen gure galdera: nola jakin dezakegu guk atzeritik posta bidez bozkatzeko lehenik eta behin CERAn inskribatu behar dugula, Eusko Jaurlaritzak horri buruz ezer esaten ez badu bere orrialde ofizialean?

Horrela, Eusko Jaurlaritzak emaniko informazio eskasarengatik, bozkatzeko eskubiderik gabe geratu behar dugu. Gertatutakoari buruz galdezka idatzi diegu bai Eusko Jaurlaritzari eta baita Gipuzkoa, Bizkaia eta Arabako Foru Al-



galdeiozu...

Ez al duzu uste bake bidetik eta justizia bidetik errazagoa izan daitekeela abertzaleen helburuak betetzea?

Beñat Ralla (Altza)

Guk gogoz egingo genuke, nola ez, bide hori bake parametroetan, baina zoritxarrez, azken 150 urte hauetan gure herriak ez du ezagutu belaunaldirik kartzela, tortura edo hildakorik gabe. Horrek kokatzen gaitu tragedia honen benetako dimentsio historikoaren aurrean.

Hartara, gure azken helburuak lortzeko —herri honen independentzia— eremu berri baten aldeko apustua egiten dugu, non aukera politiko guztiak defenditzeko aukera egongo den, Euskal Herri osoko herritarren artean erabakitako araudi propioaren bitartez, modu demokratiko eta baketsuan.

Zoritxarrez, bi estatuek ukatu egiten diote aukera hori herri honi, eta, hala ere, 1998ko irailean egin genuen moduan, gure apustuak lerro berean jarraitzen du.

Horregatik esaten dugu EH sostengatzen duenak berandu baino lehen esan ahalko duela, harrotasunez baina harrokeriarik gabe: nik ere bake eremu hau posible egin nuen.



ARNALDO OTEGI

EHko Gipuzkoako zerrendaburua



EAEko hauteskundeak

Maiatzaren 13ko EAEko hauteskundeetara aurkezten diren alderdi politikoetako hautagaiekin jarraituz, apirilaren 24tik aurrera **Maria San Gil** • PPko Gipuzkoako zerrendaburua izango dugu. Bidali zure galderak ordurako.

dundiei ere, eta inork ez digu erantzun. Hau al da gure instituzioek bozkatzeko ematen diguten laguntza?

Egoera honek ez gaitu gu soilik eragiten; Europar zehar ikasten ari diren ehunka euskal ikasle erasmus bozka emateko posibilitaterik gabe uzten baititu. Onartezina deritzogu sistema demokratikoaren eskubide oinarrikoenetakoa den bozka eskubidea modu honetan bortxatzeari.

Guzti hori dela eta, ondorengo adierazi nahi dugu:

1) Euskal hiritarrak gara, beraz, dago-kigun bozka eskubidea aldarrikatzen dugu.

2) Eusko Jaurlaritzak behar dugun informazio guztia jakinaraztea eta gertatutakoari buruz azalpen publiko bat ematea.

3) Eusko Jaurlaritzak eginiko akatsa zuzendu eta euskal hiritar gisa dugun bozka eskubidea egikaritu ahal izatea.

Etika eta estetikarik ez

Txaro Goñi, Manu Posada, Rosa Camero, Miren Mandiola eta Maite Vivas (*Gurutzetako Ospitaleko LABeko kideak*)

Pitxu Coto Gurutzetako Larrialdi zerbitzura eraman zuten martxoaren zazpiko goizaldean. Eskuburdinak jarrita zituen, eta gorputza ubelduz josia, manifestazio batean egurra hartu ondoren. Traumatologoen eskuburdinak askatu gabe eta jertsea eta alkandora kendu gabe aztertu zuten. Alta informean zera idatzi zuten: «Azterketa zaila eskuburdinak jarrita zituelako». Pitxu Coto hematoma asko ditu bizkarrean, zaintziratua belanean eta zauri irekia ukalondoan. Medikuek ez zituzten lesio horiek ikusi, ez baitzuzuten biluztu.

Guk, Gurutzetako Ospitaleko langileek, ezin dugu onartu hainbat langilek izan duten jarrera. Ezin dugu onartu deontologia alde batera utzi eta koldarkeriaz edo errepresioaren menpekotasunean jardun izana. Medikuek batek ezin du polizia baten zerbitzura egon, edota koldarkeriaz aritu.

Guk, Osakidetzako langileek, ezin dugu onartu Osakidetzako zentroetan inori harrera txar eta iraingarrikeria egite-rik. Osasunaren arloko erakunde batek ezin du, ez zuzenean, ez zeharka, tratatu txarrekin kolaboratu. Hori sorospen kalitatea dela uste al du Inclin jaunak? Guk, osasun langileek, medikuen Elkar-goari mediku horien jokabidea ikertzea eskatu nahi diegu, Elkar-goaren eginkizunetako bat deontologia zaintzea izanik.

Ez dugu onartuko gure lantokia Ertzaintzaren komisaria bihurtzea, eta gure lana poliziek aginduta egitea. Ez dugu onartuko gaixoak eskuburdinak jarrita egotea azterketa egiten diegun bitartean, eta gure lanean inork trabarik jartzea. Ez gaude Poliziaren zerbitzura, herriaren zerbitzura baizik.

montxo

